

光緒江西通志

江西通志卷一百六十九

列傳三十六

南都州

唐 南唐附

廖融字元素自虔化卜隱南嶽與逸人任鵠凌蟾王正己王元共結詩社自號衡山居士湘守楊徽之司諫張觀嘗訪融山齋贈詩諷其出竟不仕以卒刺史何承矩葬之其子姓多仕於湖南馬氏故廖於楚最著云

南都先賢傳

廖光圖字贊禹虔化人文學博瞻爲時輩所服湖南馬氏辟幕下奏天策府學士與劉禹李宏皋徐仲雅蔡昆韋鼎釋虛中齊己俱以文藻知名有詩集二卷正圖匡圖兄弟行也並有名

南都先賢傳

白志舊案豫章書作廖圖者訛五代史楚世家改廖

匡圖為光圖避宋藝祖諱也十國春秋有匡圖匡齊無
光圖正圖別是一人胡震亨唐音統籤云匡圖一作正
圖者亦訛再考宋史藝文志有廖正圖詩一卷廖匡圖
家集一卷廖融詩集四卷廖邈詩集二卷廖凝詩集七
卷常都魏禮謂廖氏家藏集與李氏花萼集韋氏兄弟
集寶氏聯珠集皆父子伯仲一門之作後世不易得云
謹案十國春秋匡圖傳弟匡齊以功署決勝指揮使
溪州蠻作亂戰死馬希範遺弔其母母不哭謂使者曰
廖氏三百口受王之賜舉族效死未足以報況一子乎
希萼以母為賢厚恤其家前志未及匡圖前志列楚今
與劉言同
改附唐末

廖偃度化人祖爽父匡圖仕皆至刺史偃少倜儻喜奇
節通左氏春秋班固漢書馬殷有國自祕書郎為裨將
戍衡山縣殷子希萼與弟希崇爭國希崇命彭師昂幽
希萼於衡山使甘心焉師昂至衡山偃適在相與護視
希萼甚謹遂築行府奉希萼為衡山王請命於金陵元
宗為出師定楚亂希萼遂入朝偃為部署輜重尤勤瘁

希萼流涕曰非偃盡忠誰能免禍至金陵授偃左殿直
軍使萊州刺史使守道州以備南漢會朗舊志州叛潭
州亦潰偃所部多潭人中夜作亂偃率親卒力戰不能
支極罵而死元宗下制哀悼贈右領衛大將軍甯州刺

史諡曰節

陸海南唐書

宋

黎仲古字漢儒甯都人結廬金精山南讀書譚道稱弟
子者百十人淳化中陳殿院薦於朝條陳時務舉賢良
方正進士丙科天禧中叩閭言事忤丁謂授洪州文學
謂罷相召對改袁州戶曹解職歸隱稱方外高人甯都先賢傳

孫長孺字思齊甯都人嗜學好藏書凡經史百家無所

不備大中祥符八年賜五經出身知潯州政尚仁恕累

官太子中允

林志

溫革石城人寶元中詣闕上書願捐家貲盡市監書以

惠後學既得請攜書歸建樓貯之闢義館以來遠近之

願學者仍儲廩三級爲一郡所稱

林志

孫立節字介夫甯都人師李觀友曾鞏嘗作春秋論孫

復見之撫卷嘆賞擢皇祐進士王安石行新法立條例

司蘇轍爲司屬官以議不合引去安石語立節曰條例

司須得明敏如子者爲之立節笑曰當求勝我者若我

輩人亦不肯爲是官矣安石默然徑起後爲鎮江軍書

記監司敬憚之曰是抗丞相不肯爲條例司者移桂州

節度判官宜州守王奇與蠻戰死被旨鞠行開吏士有

罪者經制使謝麟收十二人付立節按以重辟立節持
不可曰獄當論情吏當守法逗撓不進諸將罪也既伏
其辜矣餘人可盡戮乎必欲以非法斬人則經制自爲
之麟奏立節拒抗立節亦奏麟侵獄事刑部竟如立節
議十二人得不死蘇軾作剛說遺其子勰勵朱子爲之
跋甯都主簿鄭載得刻於學宮

甯都先賢傳

劉鵬字時舉瑞金人元豐進士爲諫議大夫值蔡京用
事連疏論之子舉夔靖康初知北靖州陷於金死之

豫章

書

孫勰字志康立節子元祐進士授奉甯軍節度推官時
張幾仲爲帥精選幕府請行者不一幾仲曰虔州孫志
康不面諛得斯人庶知吾過遂辟之幾仲移冀州又與

之俱歷鄆州學教授知舒州太和縣累遷至朝散郎知岳州時湖北新開邊調發他郡文檄旁午颶呼里中豪右出檄於懷授之曰吾不以付吏特寬爲期期而不至者罰當倍眾許諾軍需告辦岳陽先經火災譙門兩觀鞠爲灰燼總登城嘆曰岳陽樓以偉麗聞天下今委於墟莽守臣罪也出所錫度牒若干與廬人所獻山林巨材鼎新之不踰期壯峙如昔後請祠提點崇福宮歸有田在陳遂移家以終讀書無不貫穿文詞典雅有兩漢風善作古篆秦漢而下不取也有文集若干卷

白志原案孫

總事林志不詳據贛州新志謂采蘇過撰孫志康墓志補入叔黨斜川集今失傳不知此篇從何而得所當亟錄者也

孫勵字志舉颶弟博學工詩蘇軾自海外歸過虔貽勵

詩有云小孫又過我歡若平生親清詩五百言句句皆絕倫其推獎如此

東坡集

白志舊案孫勵兄弟人物

其所得士東坡贈詩所謂孫郎表獨立霞戟交重閣連枝皆秀傑英氣推伯仁蓋指其兄勰所云小孫則指勰也

胡埜字德林甯都人師事孫立節居喪廬墓哀毀不勝與立節子勰同業太學念兄老歸侍開義館長春谷藏書萬卷延名士使族子弟受學焉大觀中舉八行政和八年登進士歷婺州教授寇陷城舉家被害著有諸經講義

安志

謝志舊案安志尚載有瑞金龔彭壽亦以孝聞

陳敏字元功石城人父皓以破贛賊李仁功補官至承信郎敏身長六尺餘精騎射以薦擢閤門祇候時閩地多寇殿司兵往戍率不習水土至是始募三千兵置左

翼軍以敏爲統制漳州駐劄敏按諸郡要害凡十有三處悉分兵扼之盜發輒獲贛州齊述據城叛敏聞之不俟命領所部馳七日徑抵贛圍其城踰月朝廷命李耕以諸路兵至破之累功封武功縣男領興州刺史除破敵軍統制尋丁母憂起復以所部駐太平州金主亮來攻成閔爲京湖路招討使以敏軍隸之軍於荆漢閔敏說閔曰金人精騎悉在淮汴都必無守備若由陳蔡徑擣大梁潰其腹心此救江淮之術也不聽從閔還駐廣陵時金兵尚未渡淮敏又說閔邀其歸師復不聽敏遂移疾歸姑孰孝宗卽位張浚宣撫江淮奏敏爲神勁軍統制朝廷遣李顯忠北伐浚欲以敏偕行敏曰盛夏興師非時且金人重兵皆在大梁我客彼主勝負之勢先

形矣願少緩浚不聽令敏屯盱眙顯忠至苻離果失律
敏遂入泗州和議成詔敏退守滁陽敏謂滁非受敵之
所改成高郵兼知軍事與金人戰射陽湖敗之遷宣州
觀察使召除主管侍衛步軍司公事居歲餘敏抗章乞
以故部之兵再戍高郵乃升爲都統制兼知高郵軍事
仍賜築城屯田之費敏至郡板築高厚皆增舊制自寶
應至高郵按其舊作石礮十二所自是運河通泄無衝
突患四年北界人侍旺叛於漣水軍密款本朝稱結約
山東十二州豪傑起義以復中原上以問敏敏曰旺欲
假吾國威以行劫爾必不能成事願勿聽適屯田統領
官與旺交通旺敗金有閒言上知非敏罪乃召敏爲左
驍衛上將軍言事者議欲戍守清河口敏言金兵每出

清河必遣人馬先自上流潛渡今欲必守其地宜先修楚州城池蓋楚州爲南北襟喉彼此必爭之地長淮二千餘里河道通北方者五清汴渦潁蔡是也通南方以入江者惟楚州運河耳北人艦自五河而下將謀渡江非得楚州運河無緣自達願朝廷留意及是再出守高郵乃詔與守臣左祐同城楚州祐卒遂移守楚州北使過者觀其雉堞堅新號銀鑄城以歸正人二百家逃歸降授忠州團練使罷爲福建路總管改江西路總管贛州駐劄月餘朝廷命往福州揀軍又命還豫章再除武鋒軍都統制兼知楚州復光州觀察使以疾卒

宋史

劉十六郎瑞金人兄弟三人素負勇敢建炎中金人犯江西峒寇李鐵面乘亂擾虔岳飛奉詔討賊十六郎昆

弟願自效屢立戰功竟沒於陣

林志

曾興宗字光祖甯都人乾道七年舉解試特奏名授肇慶推官慶元初禁僞學興宗以嘗師事朱子罷歸築室箕箒谷號唯庵自信益堅未嘗少挫敦行古禮四方從學者日眾朱子沒心喪三年所爲詩文多溫厚典則

先賢傳

曾原一字子實興宗孫舉於鄉嘗與從弟原邨同師廬陵楊伯子紹定庚寅避亂鍾陵與戴石屏諸賢結江湖吟社及歸偕其叔父益之傾資產築城以禦寇隱蒼山構萬松亭有詩號蒼山集人多宗之甯都古稱詩國今東城構詩巷相傳爲二曾廬處

甯都先賢傳

蕭立等字斯立甯都人淳祐進士知南城縣歷南昌推

官辰州判有惠政遭世亂歸隱蕭田自放於詩著有冰

厓集羅倫序之謂南渡以後高品也

南都先賢傳

陳繼周字碩卿甯都人淳祐三年貢於鄉授廉州司法

南豐縣知錄藤州觀察推官知永豐衡陽二縣辟江東

提點刑獄幹辦公事未上會詔徵勤王文天祥方守贛

州造繼周問計繼周慨然爲言閭里豪傑子弟與凡起

兵之處方略甚詳於是留繼周幕中晝夜調度繼周雖

弱不勝衣而年德有以服人人士視爲父兄進止疾徐

惟指呼無敢先後詔改繼周合入官帶行監文書院差

充江淞制置司主管機宜所部夜襲元兵於南柵門殺

傷相當質明猶戰渴赴水死

宋史 白志舊案甯都先賢傳碩卿作顧卿又云天

祥之臨安繼周率義士歐陽冠侯等二十三家及長子達父次子傑以從達父以所部襲元兵於南柵門及天

祥使北營有旨罷兵繼周父子領眾歸則贛已失守矣
景炎初以繼周知南安軍元總管楊仔襲繼周殺之并
殺逢父事聞諡繼周忠節集從天祥於江
嶺之間竟死潮陽事與史有異同附錄之

曾逢龍甯都人由進士

原稱慶元進士誤

官新會令政務化民

有古循良風每以節概自許景炎元年六月元呂師夔
兵至廣州制置使舉逢龍判韶州將兵禦之南雄力戰
師潰乃正衣冠自縊死事聞詔贈龍圖閣學士

廣東通志

尹玉甯都人以捕盜功爲贛州三砦巡檢秩滿家居從
文天祥勤王天祥至平江調玉同淮將張全拒元兵戰
於伍牧全軍敗先遁諸軍皆散惟玉殘軍五百殊死戰
玉手殺數十人箭集於身如蝟毛援絕力屈遂被執橫
四槍於其項以挺擊之死餘兵皆死無一降者生還止
四人贈玉濠州團練使官其二子賜田二頃恤其家

宋史

陳琚字奉先敏曾孫倜儻有英概官襄陽帥府屬呂文
煥以城降元琚爭之弗得率妻子偕死弟瓊字昭先官
懷仁令元兵壓安慶路守者風靡懷仁城陷瓊偕妻子
死之

謝志

元

孫登龍字壽甫甯都人宋咸淳丁卯舉省試入元被薦
爲南安學正慶遠南丹安撫司教大德中遷歸仁州同
知以仲子輔臣貴贈安樂郡侯吳澄稱其行懿文醇蕭
士贊亦稱其富於學而不矜

自志

廖人俊甯都人宋末

舊志誤元末

父死於寇母被掠人俊七

歲獨與祖母陳氏居既長焚香日夕籲天願知父骨所
在久之若有指導之者竟得於叢冢間收而瘞之又聞

母在滄州徒步往求至則已物故欲負骨歸葬異父弟
不許乃刻母像歸祔父冢祖母陳孀居七十一年壽九
十有九人俊事之以孝聞詔旌其門曰孝節賜衣帽條
環寶鈔翰林吳澄揭傒斯爲詩文紀之

甯都先賢傳

蕭士贊字粹可立等仲子篤學工詩與吳澄友善著詩
評二十餘篇及冰厓集李白詩補註行於世

白志

孫巴延

原作伯顏

字元晉立節九世孫家世甯都少開敏年

十五遊上京讀蒙古書而好之遂工譯語至元中考授
京畿運判移提舉廣東市舶琛貝山積不以自污部使
者薦其才擢肇慶路總管兼勸農事多做古法以爲治
以疾謝事卒

謝志

溫春甫甯都人延祐乙卯蔡五九攻城春甫率義兵討

賊臨陣突出中矢歿事平贈千戶

死義傳

孫輔臣登龍子以文學舉初爲大都護府知印五遷至
湖南宣慰司元帥升資善大夫廣西廉訪使每有政聲
江西行省參政沁布阿咱爾

原作全普庵撒里

榜其居曰忠義

之門

豫章書

謝煥字君章甯都人好學工詩偶儻尚氣節遊京師達
官貴人咸折節爭爲推轂與人交不爲苟合議論不肯
訕人下嘗於諸王前引卮酒爲壽王坐飲不爲禮煥曰
布衣以分則賤以道則尊王宗室重臣能致禮於僕則
尊賢下士之名王有之王爲避席以飲嘗同授經卽危
素謁時貴素謙退不敢上坐煥笑曰吾布衣也貴賤之
際無所嫌遂坐上坐其豪俠自負類如此卒年四十有

一王忠
文集

劉元杰石城人倜儻有器識少遇異人授以風角鳥占
之術因解兵法至正十二年四方兵戈雲擾元杰憤然
起義兵團結於通大寨據險以守賊攻四旬不破邑人
賴之

白志

明

彭舜榮與弟勝達以忠信服人僞漢熊天瑞攻城守將
遁走舜榮兄弟結蔡必達等畫計堅守城賴以全比明
兵至同溫德中盧舜元等舉州歸款

甯都先賢傳

溫德中甯都人元末盜起偕弟致中允中起義兵保障
一境致中陷陳被執不屈遇害德中暨諸弟竟禽賊渠
以復仇甲辰明兵至贛兄弟倡率歸附

林志

管貞字源清甯都人洪武進士授陽穀縣丞寇至竭力以禦不克被執罵賊死之

甯都先賢傳

陳勉字希進甯都人永樂進士授御史清賦浙江尋命巡按有平倭功甯波衛軍盜糧連坐者五百餘人疏請多所寬釋升廣東副使召入爲左副都御史扈從天壽山上欲出畋密雲勉疏謂民以食爲天春深獵必傷稼上乃止及親征漢庶人留守京城勉與尙書蹇義等建議增定賞格并給帳房布匹軍士大悅上以勉知兵改敕從駕凱旋賜賚甚厚宣德癸丑命征會昌長河洞至則諭以恩威賊首朱南鄭就撫議置守禦及巡司景泰元年升南京右都御史掌院事乞休

甯都先賢傳

湯衡瑞金人永樂中由貢知休甯擢中府都事復出知

昌化慈惠愛民勁直不撓時撫黎土官桀驁與縣官抗
深爲民害衡奏革土官黎人仍統於州縣自後地方乃
安

人物志

孫紹字復先甯都人宣德中以經明行修爲縣令袁才
輔所薦授本縣訓導未仕丁憂遂絕意仕進從陶瑾學
瑾卒於官遺二婢孫無所歸紹爲之構室割田以資日
給人咸義之

人物志

胡莊石城人正統閒以貢授潯州府推官威信素著大
藤夷奪去巡檢司印莊往撫諭印卽送還叅將范某被
誣力爲辨范懷金以謝卻之尋乞歸

謝志

盧鴻字大賓甯都人外和內剛坐必正襟衣嘗曳地閒
居終日略無惰容性孝友自奉甚約其教人不專進取

董文僖越師事之邑有士行者多出其門景泰間入太學授臨武訓導邑稱僻陋鴻訓迪諸生寒暑不輟居九

載告歸

甯都先賢傳

董越字尚矩甯都人少孤貧竭力以奉母嘗教授邨中夜歸熒熒有光前導比及門咆哮而去則虎也越以此自負人亦以此奇之成化乙丑及第第三人授翰林院編修上西北備邊封事乙未戊戌分考禮闈取中大學士王鏊梁儲等稱得人進侍讀充東宮講讀經筵講官屢有開陳孝宗登極進右庶子賜麒麟服頒朔朝鮮餽贈一無所受朝鮮歲使至必問越起居焉憲宗實錄成擢太常少卿兼侍講學士擢南京禮部右侍郎尋拜南工部尚書贈太子少保謚文僖著圭峯文集使東日錄

簡都先賢傳

丁積字彥誠甯都人成化進士授新會知縣至卽師事邑人陳獻章爲政以風化爲本而主於愛民中貴梁芳邑人也其弟長橫於鄉責民逋過倍訴於積迫券焚之且收捕繫獄由是權豪屏迹申洪武禮制參以朱子家禮擇耆老誨導百姓良家子墮業聚廡下使日誦小學書親爲解說風俗大變民出錢輸官供役名均平錢其後吏貪復令甲首出錢供用曰常月錢貧者至鬻子女積一切杜絕俗信巫鬼爲痛毀淫祠旣而歲大旱築壇圭峯頂昕夕伏壇下者八日雨大澍積遂得疾以卒士民聚哭於途有一嫗夜哭極哀或問之曰來歲當甲首丁公死無以聊生矣

明史 自志舊案白沙集樂歲詩
長官願似丁明府甲首終年不到

衛其輓詩曰有廟旌
遺愛無錢返故鄉

曾柏字崇介甯都人諸生以孝聞邑人士稱曰白茅先

生鄉里至今稱曾孝子父病躬視湯藥衣不解帶歿水
漿不入口既葬廬墓朝夕奠哭母喪亦如之敬愛二兄

白首如一卒祀鄉賢

甯都先賢傳
白志

胡克和字節之甯都人成化甲午鄉薦知松溪政不苛
細綽有風裁奸宄斂迹民甚賴之嘗遊羅洪先之門稱

其孝行純至云

人物志

胡易字光貞年二十八始讀易卽超然有悟登宏治進
士吏部王恕深器之初授給事中監御庫論內監賀彬
黷貨無厭彬飾辯有旨俱下獄後按覆多實易竟得直
星變上修德弭災疏語極切至易多所封駁糾正風采

凜然奔母喪哀毀卒於途朝士惜之出其門下者大學士李時侍郎何孟春少卿汪舉御史藍田郎中劉志道員外郎李繼先皆名臣所著有易學淵源山斗文範

雷都

先賢

傳

董天錫字壽甫越次子宏治進士授刑部主事歷官郎中閱十三年出守青州值大蝗寬賦發賑悉從便宜遷浙江都轉運使沮巨璫私販權貴不能撼歷官貴州左轄以疾引歸時年五十有四所著有璚溪集

嶺志

謝士章字含之甯都人進士知增城縣豁達明敏革耗羨簡訟獄禁輕生百姓賴焉以計禽盜賂臣入等重新學宮修倉庾置會講田城隍廟田皆有關泊道歷官廣

束副使遷雲南參政

廣東通志

溫卓字時仰石城人以選貢授四川馬湖府推官歷署
州縣及奉委勘夷採木并查盤各府不受一錢盤險路
便往來築石渠滋灌溉人尤德之

謝志

鍾譔字近修瑞金人隆慶間由選貢司訓南康飭躬潔
履爲郡太守所重署主白鹿洞教事轉永安學諭入爲
國子學錄滿考升武昌通判職主餉矢操冰槩卻例金
歲以千百計後告歸蔬食菜羹蕭然自得以壽終

謝志

謝長良字子起瑞金人父元賀永定知縣小妻郭生長
良於官署六歲父滿秩遷官盡取羣書封識之他器物
無所取九歲從父官鄂州踰年父卒哀毀骨立如成人
母與嫡幾訟長良旦夕泣母前異居避之徑解訟相歡
十一歲暴卒三日復甦人皆以是異之十三侍生母疾

涕被面如不欲生已復侍嫡母疾與婢子同臥起旦暮
拜而號嫡爲感動十八補縣學諸生嫡始均產授之年
二十與同縣楊以任等結赤水社毅然以斯道爲己任
省試歸遇盜清江橫梁與楊汝基士芳同溺死

天儒子集

溫國奇字仲庸甯都人萬厯進士授惠州推官升御史
疏劾魏忠賢落職崇禎初巡按江南累官四川驛道予
告歸時閩賊披猖避亂者爭入城國奇捐千金建新城

居民賴之

白志

邱一鵬字萬程甯都人萬厯丙子鄉薦念父老不忍會
試父嚴督之乃揚言入京而私屏處父果病念子不得
見一鵬卽出見與訣後選樂昌知縣有鹽例入知縣金
數百盡革之立碑永禁升惠州防海同知每親至碣石

衛按格閱舟卒皆有法戊戌寇發一鵬卽調度所素閱卒殲賊數千有閩賈五十人誤爲邏卒所獲叅將欲以俘功報一鵬力爭之不得爲移檄閩中報至果海賈也而一鵬已病篤賈人至官衙仰天祝涕泣願以身代死旣卒而殲賊功方上升湖廣按察司僉事

甯都先賢傳

蘇大成字汝願甯都人弱冠舉於鄉屢上不第謁選得遠安時遇凶年兼有採木之役設處賑濟區畫採辦殊勞瘁而才足以濟之鄰邑松滋缺令奉檄代攝百姓安其政教兩邑俱有頌聲最聞升刑部主事進員外郎出爲韶州知府卒

謝志

盧遼字漸甫甯都人萬厯進士授中書舍人改吏科給事中爲人廉退靜儉不以一介求取於人兄通會試禮

部中乙榜卒於京師時遼年甫四十父母皆在遂力請終養吏部尚書鄭三俊薦之奉旨敦促時年七十有四以老疾固辭大學士葉向高詹事劉一燝皆寓書勸駕堅臥不起於是吏部尚書趙南星覆題曰盧遠當引年之候堅易退之操請遂高致加升太常寺少卿致仕年九十有三官於朝者六年家食五十三年以清德聞天

下魏叔子集

熊懋官字思守石城人六歲而孤苦志力學以選貢入南雍明年登京闈賢書謁選尹銅陵復除浙之慶元皆巖邑也有治狀轉漳州別駕歸而閉戶讀書一意修詞力追大雅所著有青箱遺稿

人物志

楊以傑瑞金人萬厯舉人知安化縣升貴州都勻知府

苗亂佐督撫討平之斬九千餘級招撫竄亡復業二萬

餘口民立廟以祀乞休論功以副使起用不赴甯都先賢傳

楊燧字心緯甯都人天啟選貢崇禎壬午除授雲南臨

安通判以病辭楊廷麟督師入贛過甯都欲燧偕行答

曰燧年已六十餘衰疾侵尋不能效馳驅冀邀國之靈

得與公重握手道故幸也不然則一死以謝知己貪生

辱身吾不爲也廷麟壯之執其手曰君卽不能豈無才

子姪可共事者乎燧乃薦其從子文琦偕往及城陷竟

與楊同死時燧避亂山中聞文琦與楊殉義痛哭無時

披髮佯狂或再日不食己丑冬挈家歸城庚寅邑城破

冠帶自經死

國朝賜諡節愍文琦入祀忠義祠邱邦士集勝朝殉節諸臣錄

曾應遴字無擇甯都人崇禎進士初授刑部主事轉兵部職方員外改兵科給事中轉工科出督江西廣東兵餉入掌兵科值李自成張獻忠二賊蹂躪荆襄湖陝閒凡所論奏皆洞中機宜甲申春被議去去二十餘日而京師陷唐藩時起太常卿與楊廷麟等共事撫吉贛南尋戰敗眾散以病卒

人物志

楊以任字維節瑞金人崇禎進士淡於進取辭縣職改應天教授金陵士爭趨之矜爲楊門弟子升國子博士卒於官年止三十五以任赴禮部試往南昌聞其友謝長良溺死歸爲視殯殮長良無子以任爲之立後一時服其高義

謝志

邱如泰字東邱甯都人僉事一鵬季子幼孤父以廉聞

天下家無百金之產如泰篤事母兄母病醫言糞苦可治如泰嘗糞不苦撫膺大痛母竟愈年至七十卒及居喪哀毀踰禮仲兄尤貧減家食以給之曰飢飽同爾長詩古文著有玉屑篇若干卷子六人維屏最賢

謝志

李大宏字屏岳甯都人兄某爲潞江別駕好結客任俠多漫費大宏嘗捐千金以助之亦往往周人之急有假貸不責券遊南雍一時名彥陳際泰楊廷樞輩爭交之辛未詔舉文行士邑令葉向榮以其名應徵爲國學典籍申申之變語及輒嗚咽或曰君非貴臣何必爾答曰草莽獨非臣乎後竟悵鬱而死

謝志

魏兆鳳字聖期甯都人以孝行聞家故饒於財性好施爲鄉人葬死救患營橋梁道路以布衣聲動邑中崇禎

初薦舉徵聘皆不就宗子五世單傳貧不能娶兆鳳爲之授室閩人張者以妻爲妹鬻數十金見其戚容詰得之立歸其妻鄒文清以訟論徒將嫁妻爲贖出金與償更資給歸之三子祥禧禮皆以文行著名學者呼兆鳳

曰徵君

謝志

曾忠字清輔甯都諸生母病廢忠奉事湯藥護起居歷久不衰崇禎甲申居室火忠驚起入烈焰中救母妻楊氏抱子從之皆焚死明日眾臨觀舉除瓦石得其屍忠負母於背妻子旁跪護之莫不悼歎知縣葉向榮報上

官奏聞會世亂事寢

甯都先賢傳

曾嗣宗字元聲甯都人諸生楊廷麟募兵嗣宗效三千金饗軍題授兵部主事從師吉安敗退保贛州將入城

爲守死計廷麟謂嗣宗曰事急矣毋從我嗣宗曰與公共事久奈何乘危而去卒入城俱死

國朝賜諡烈愍

甯都先賢傳
朝殉節諸臣錄 勝

彭鋹字劒伯甯都人諸生楊廷麟之次贛州也以鋹署兵備僉事楊惟一子纔九歲屬之於汀州故人明年軍潰其僕自汀負之以歸於彭及贛州破楊死之有司迹捕家屬知楊氏孤匿其所遂欲併殺鋹鋹客有羅牧者并日走南昌求救於楊之門人吳某薙髮往見到門不納牧大怒徑還以報鋹知其無可倚乃以楊氏孤避之鄰邑廣昌深山中久之事漸解復迎孤歸甯都既贛郡諸邑破庚寅二月甯都圍急鋹使其弟奉母及楊氏孤先出曰以母及此子累汝汝莫死死則負我遂訣而使

家具二棺與婦李氏對宴宴畢夫婦皆縊明日城破楊氏孤旋爲兵所掠流寓彭士望者聞而出資爲贖歸居數年孤乃返清江生子楊之後得不絕

國朝賜錕諡節愍

甯都先賢傳 勝朝殉節諸臣錄

勝

尹詔字蘭渚石城人崇禎貢由衡州推官歷擢兵部主事秦寇猖獗詔陳言忤時相譴歸甲申之變不食卒

甯都

先賢傳

王一斌甯都人官遊擊從左懋第出使以不降死

國朝賜諡節愍

勝朝殉節諸臣錄

國朝

曾晚字庭聞甯都人原名傳燈弱冠過吳門師事詹事徐汧庶吉士張溥深器許之父都諫應遴同楊應麟劉

同升守吉贛隨侍軍中既而兵潰奔命汀閩久之走并涼出長城絕塞著籍甯夏更名畹中順治十一年陝西鄉試計偕來京師名公卿聞其至皆喜曰王仲宣乃能入鄴乎競延致之乙卯丙辰閒江右被寇與弟燦省母歸未幾病卒著金石堂集若干卷

白志

楊長世字延會瑞金人順治己亥歲貢除興安學訓不就楊爲瑞著姓長世族行最尊副使以傑學博以任皆在諸子列以是州閭鄉族咸推爲祭酒日閉戶校讐目覽手披無甯畧閩汀黎士宏同郡易學實魏禮皆號爲同學子以兼自有傳

謝志

李騰蛟字力負甯都人明末諸生與臨川陳際泰羅萬藻甯化李世熊同邑邱維屏爲文會後入翠微與魏禧

兄弟爲易堂交騰蛟最長諸子皆兄事之嚴敬毋敢數

後別居三巘峯以經學教授作周易贖言年六十卒

白志

邱維屏字邦士甯都人少孤弱冠爲明諸生值國變避

亂翠微峯同志數人講習於易堂故居在邑東多古松

望之蒼靄無際維屏著書其下號松下先生其學原本

六經通疇人書旁及泰西之說了然心目青州翟世祺

守饒州素簡傲獨傾倒維屏執弟子禮維屏垂歿示子

成和曰食有菜飯著可布衣無譎戾行堪句讀師彭士

望稱此十六言可爲世則季弟維甯字而康甲申後棄

諸生授徒山中年八十餘終

白志

曾燦字青藜應遼仲子原名傳燦與兄傳燈並工詞章

重然諾方明季多故燦兄弟思以功業自見折節下士

一洗貴介才華之習士論翕然歸附歲乙酉楊廷麟竭力保吉贛應遴計閩地山澤閒有眾十萬俾往撫之燦旣行而應遴病卒贛亦破乃解散去燦後薙髮爲僧遨遊閩浙廣之東西龔太常鼎孳應遴舊同榜愛其兄弟特甚勸燦就功名弗應大母陳母溫念燦成疾乃始歸家謁省以大母命受室築六松草堂躬耕不出者數年燦自幼有詩名選海內名家詩二十卷號過日集僑居吳下二十餘年著西崦草堂詩復客遊燕市以卒

白志

魏祥字善伯甯都人爲諸生改名際瑞資敏捷善彊記兵刑農穀禮制法律皆窮析原委遇難事剖決如流客潮鎮劉伯祿幕官軍圍潮久不下主兵怒約城下之日盡屠之祥力言於劉劉叩頭請之乃免范承謨撫浙祥

以舊交招入幕所施發善政蠲荒賑饑諸疏多祥所屬
草康熙丁巳僞帥韓大任寇吉贛當事議撫之大任揚
言非魏善伯至吾不信時祥館於總兵哲爾肯所遂遣
之祥至家其姊邱維屏婦也泣勸毋往朋友諸弟皆難
之祥太息曰此鄉邦宗族所關也吾不行恐禍及行而
無成吾身當之遂往甫入營官兵遽從東路急攻大任
疑其賣已謂曰先生來將爲賈林乎抑效酈食其也祥
無以應猶以其雅度盛名拘留之十月大任變計走降
閩拔營之日祥遂遇害所著文集十卷雜組五卷白志
魏禧字永叔甯都人甲申後棄諸生從父兆鳳結廬翠
微峯與同志九人爲易堂學九人者南昌彭士望林時
益甯都李騰蛟邱維屏彭任曾燦及禧禧之兄祥弟禮

時燦兄晚盛才名號二曾以籍甯夏不得預祥亦時出
佐大帥戎幕迹介出處之間堂中人以竹林山王待之
八人皆厓處躬耕以自食束修砥行讀書論古名公卿
聞其名願見之弗往獨與沈淪窮約者遊其爲文日益
有名於天下江右自歐陽鄒魏祖陽明講性學陳艾依
復社工帖括聲力氣餒學者景從易堂起而以古文實
學爲歸風氣爲之一振由禧爲之領袖也康熙閒

詔開博學宏詞科禧在舉中以疾辭郡縣督趣就道舁疾至南

昌醫藥累月稱病篤罷歸卒年五十七著有文集二十

二卷詩集八卷左傳經世若干卷

白志

魏禮字和公與兄祥禧齊名故更爲伯子叔子季子以
自號海內亦遂稱禮爲魏季子少於禧五齡父命禧授

之書笞罵亦樂受曰叔兄愛吾也比弱冠更刻苦自勵
學日進兩兄儼然以畏友待之既棄諸生乃益事遠遊
歷閩廣渡海達瓊厓北抵燕京返轍夷門過維陽南浮
漢沔入秦關涉伊水經鳳淝道中足迹幾徧天下所至
必交其賢豪尋訪窮巖遺佚之士嘗省故人於韓城往
觀砥柱三門聞道人彭荆山居華山絕嶮直上四十里
手鐵索蹋飛磴訪之高於昌黎痛哭處十里性慷慨所
得金輒以施與散盡僑居翠微峯之頂榜曰吾廬更以
自號年六十六卒子世倣皆有文集

彭

彭任字中叔甯都人諸生少與同邑溫應搏友應搏爲
亂民所害時兵燹倉皇人不敢晝行任獨往購其尸哭
而殮之連遭內外喪疑大小戴喪制諸篇多雜亂無序

分類次緝有禮記類編結廬巖山名所居曰一草亭足
不履城市嘗一訪其友謝文存甘京於南豐之程山未
嘗再適他域所作詩文亦絕少爲人落穆悠游壽八十

四終

白志

楊以兼字惟才長世子承家學有文名順治鄉薦官河
南涉縣知縣時河北大旱民采木葉以食百樹皆童民
多流散有司不敢請蠲以兼倡諸府縣力言於上官奏
聞盡獲豁免復出米麥爲粥食飢者始終三年全活不
可勝計嘗禱雨徒跣行烈日中且拜且泣雨隨聲注人
呼楊公雨革耗羨及雜稅歲至數千金以父憂去官百
姓遮道哭抱持馬首至不得行服闋以祿不逮養遂不
復起家故有別墅曰適園池館竹木之勝甲一邑日游

其中翛然塵外性喜爲詩年九十餘猶日與子姓倡和

名德並隆爲近世文人所未有曾孫方立自有傳

州志

鄧斗光石城人選貢學務躬行寢食程朱有劉靜修之風順治丙戌父爲寇所執冒刃乞以身代寇憫其孝舍之康熙初徵遺逸不赴

白志

蘇顯字仁敬甯都人諸生淹貫羣籍通經學熟精左國

以著書終老

州志

魏書字石牀甯都人父應秋工詩人稱詩獨蚤卒書亦工詩能書善繪事皆入能品甲申後棄諸生肆情著述或劇飲大醉仰天椎心痛哭狂叫事母以孝稱弟早夭遺女子三竭己貲營嫁事總功袒免之屬不能葬者書力任之至二十餘冢

州志

謝適字怡古瑞金人淹博好吟咏與長汀黎士宏爲莫逆交大梁周亮工深許其詩謂雅淡閒曠兼韋劉之長

瑞金人言詩者自適始

縣志

楊以叡字惟明瑞金人諸生與同邑謝適放懷山水閒吟咏自寄善書畫能金石刻時人稱爲四絕其讀書處

曰汲亭長汀黎士宏甯都魏禮皆與友善

縣志

黃日曦字暘谷石城人貢生讀書尚氣節與同郡魏際瑞兄弟易學實爲文字交戊子冬張自盛引寇焚掠曦徒跣七日夜走贛撫乞師中途爲賊所獲以計脫卒導

官兵至賊遁城獲全

州志

魏世傑字興士甯都人諸生父際瑞爲韓大任所害世傑徒步迎喪至家拔佩刀自刎左右強持之日夜椎胸

出血僕不能立呼號二十日而死時年三十三人比之

何炯謝蘭云著有梓室詩文集行世白志謝志舊案

士前志去存不一今或摭拾其事或附名傳後無令義

沒尚有國朝旌表孝子南昌熊耀璣廬陵李學經王

九芸吉水陳忱上官俊泰和尹汝棧王培具臨川

王奕源南豐王文佐崇義康世輪并議姓氏於此

謝聘字志尹瑞金人康熙鄉舉閩藩變起汀偽將劉應

麟引萬餘人至聘倉猝走贛城乞援城賴以全性至孝

父病衣不解帶者三年父歿竭力養母以母年老不謁

選子重捷湖口訓導重拔選拔貢生東鄉教諭重揮武

甯訓導重揚舉人縣志

劉琛字瑞山瑞金人事親孝嘗應試居府城夜夢其父

覺而心悸馳歸父果病母死未葬水暴至漂棺巨浸中

琛乘片木隨之力盡墮深溝若有翼之起者仍引柩傅

樹呼天號泣大雨徹夜守之不去卒出母棺於水康熙

戊子膺鄉舉考授內閣中書

縣志

邱尚志字宏孺甯都人康熙進士改庶吉士散館授檢討充治河館纂修以母老乞養歸雍正初起原官遷兵科掌印給事中兼戶科給事中巡視南城嘗疏奏秋審閱緩決諸犯久羈岸獄輒有瘐死乞請減等發落巡視蘆溝橋密陳吏胥婪索切中時弊并獲施行旋以衰病

乞休卒

州志

畢佛字西有石城人康熙閒耿精忠僞將攻城逾月無援居民自爲守禦賊乘夜梯衝偏城礮聲殷天巨酋揮兩刃先登守陴士皆竄事急佛與縣人黃金連下巨石壓賊梯巨酋墜城下死佛與金連亦死於礮事平知縣

李德明歿其屍縣人爲祀之城東忠烈祠

縣志

廖國用字柱石城人少從軍福州官百總耿精忠叛招之勿往耿旣敗國用隨征光澤有功授建甯千總鄭錦攻海澄總督姚啟聖檄國用往援閩解擢同安鎮左營守備進密計獲僞藩加都司僉書逆黨鄭伯化嘯聚眾號百萬國用偕諸軍討之賈勇先登從克金廈二島奏署都督僉事調興化鎮標左營守備東征臺灣從克花嶼貓嶼歷三十六島殺賊萬四千鄭氏遂降議靖海功加十九等擢左都督給一騎都尉仍帶餘功改江南提標前營管遊擊事歷權吳淞叅將引

見暢春園試騎射旋督餉出塞奉使和爾博從征噶爾丹擢廣西提標前營叅將兼護中軍印給世襲騎都尉擢江南

督標副將調潯州未抵任卒

州志

楊兆鳳字爾翔瑞金人貢生官上饒訓導兵燹後學校荒蕪人才零落莅任初卽捐俸修葺學宮以古學砥勵諸生士風丕變著有寓鴻亭詩文二集

謝志

王肇禮字筠圃甯都人歲貢生力學有得簡默自守嘗教人立心制事須體聖賢大意一舉動皆有益於天地論文以讀書爲根柢人以爲名言

州志

曹公捷字凱伯甯都人性剛嚴有氣量年十八從征閩海寇選剽悍當鋒諸軍不能進公捷獨手然巨礮擊賊乘勢破前軍隨征金門廈門皆有功海澄劇賊踞十九寨公捷進勦預設方略布恩信賊渠就禽兵無妄戮累官至廣東三江口副將致仕

州志

彭揆字祖視甯都人祖士望自南昌移居遂占籍爲諸
生巡撫謝閔嘗聘修通志雍正壬子鄉試闈中寫榜明
名至揆巡撫偕同官賀主司得人時以爲美譚會試入
明通榜授吉水縣教諭卓異遷陝西宜君知縣宜君民
稀土瘠有司迎上官意報墾荒田陰加賦累民揆至承
檄閱視備詳童山不可種植痛切累萬言事遂寢復奉
軍檄購民間騾馬揆力陳民貧不堪供役狀屢觸上官
怒一意孤行無所顧忌旋聞父喪嘔血不食七日卒
丁有美字醇谷甯都人諸生兩徵博學鴻詞以母老辭
性慷慨能周人緩急友爲債家所窘輒鬻己田代償之
晚年卜築城西磊山課子孫家雖屢空晏如也子湘錦

拔貢生

州志 謹案鶴徵後錄許載徵士姓名
不及有美州志據楊錫綬贈詩實之

楊枝遠字季重瑞金人拔貢生工古文尤長於詩家故
右族日與羣從少長自相唱和翰林張尙瑗督學王思
訓李鍾僑巡撫白潢皆亟稱之年三十七卒先是枝遠
從父兆涉從子方萌皆以詩名於時兆涉詩似陸劍南
方萌多幽深之作似賈浪仙兆涉二十九歲卒方萌三

十六歲卒

縣志

李龍官字渭英甯都人與弟宜青皆以文章著稱龍官
尤富瞻乾隆間成進士改庶吉士散館授編修大學士
蔣溥張廷玉侍郎方苞李紱皆禮遇之充三禮館校纂
一爲會試同考官致仕歸

州志

李宜青字荆山甯都人乾隆進士授戶部主事歷官江
南監察御史出巡臺灣臺故海島地沃饒供帳豪侈宜

青屏不受或議其矯援舊例相諷宜青曰吾非以介求
譽懸絕海外重吾身命不能爲賈人剖腹藏耳先是臺
人不知學宜青親教之出己俸充諸生膏火士知奮勉
近海土田輒受颶風不任籽種上疏乞免徵轉光祿寺
少卿致仕卒

州志

謝昌言字師禹甯都人乾隆進士官直隸安肅知縣除
暴愛民有廉潔聲獲鄰省巨盜

特旨送部引

見詔嗣後州縣獲鄰省盜者皆如昌言例著爲令遷河南南陽
同知南陽多虎患昌言爲文禱於神虎遂去旋擢直隸
永平知府老病乞致仕卒

州志

楊方立字念中瑞金人工詩古文詞乾隆進士改庶吉

士散館授編修座主長洲沈德潛負海內重望與論詩有鍼芥之契兩典滇南試一充會試同考官擢禮科給事中巡視南漕挾積弊無隱遷鴻臚寺卿乞假歸

縣志

盧明楷字又李甯都人淹博經史精於樂律初以拔貢生爲和碩莊親王尙書張照所知薦修律呂正義乾隆間成進士改庶吉士散館授編修累遷侍講學士充陝西河南正考官會試同考官武會試總裁順天武鄉試正考官莊親王奏以明楷兼管樂部撰擬樂章品學重朝右再出督學河南擢詹事府正詹事以勞疾卒官子立瀛立淇並舉人立淇官江蘇庫大使

州志

李士晉字諫六騰蛟從曾孫乾隆鄉舉官德興訓導以身爲教諸生多所成就截取知縣以母老乞歸甯都自

易堂諸子沒士稍習侈靡士晉倡復古學言動必謹學者羣奉之

州志

羅有高字臺山瑞金人乾隆鄉舉幼好詞賦習技擊力敵數十人及壯治經於易主虞氏禮主鄭康成氏後見雩都宋道原受主敬持一二銘乃潛心理學聞鄧元昌講學贛州偕新城魯士驥雩都宋華國裒糧從遊後更師事甯化雷鉉爲學凡數變晚友彭紹升余子安又汎濫於釋氏性好遊嘗下揚子度錢塘寓西湖過甬東與同年友邵洪遊普陀復走京師得疾歸卒有高論學謂東西二聖人權實互用門庭迥別其歸宿則一惟自證者知之不可口舌爭也紹升深然之

州志 國朝
宋學淵源記

彭雲鴻字夷鵠甯都人任曾孫其母魏禮女孫也嫻文

學雲鴻幼從母授經未嘗一日就外傳長爲諸生貢太學官南昌訓導工詩與鉛山蔣士銓相伯仲南城曾煥

選入江西詩徵

州志

陳受璉字以清瑞金人歲貢生官直隸新安知縣以才能著稱擢貴州鎮遠知府遷浙江甯紹台海道副使並有清操以事免囊橐蕭然子孫至不能自存

縣志

彭鴻志字然則甯都人乾隆拔貢邃於經學家徒四壁義不苟取與李士晉並以品學爲士林所重嘗教人讀書作人不可分爲二事

州志

葉信字師權甯都人乾隆武進士充侍衛除天津都司累擢臨清協副將王倫叛起堂邑壽張閒信聞警乘夜偕臨清知州潛師入四古莊禽賊黨二十餘人尋奉山

東巡撫檄赴壽張勦賊行至東昌府李海務而東昌已告警遂回守東昌旋聞堂邑陷賊闕臨清乃急返鎮臨清有兩城舊城久頽倉庫監獄皆在新城信守之教民習戰具捕賊謀二人賊大至環攻挾邪術以厭槍箭幾束手信以法破之斬賊三百餘級敘功加總兵銜賊設雲梯然巨礮攻西門信設計縋壯士下燒其火藥車賊膽落苦守孤城凡十五晝夜髀肉腐不能乘騎猶臥木板上昇以巡城大學士舒赫德軍至圍始解信以積勞

卒於軍

州志

彭玉雯字雲墀甯都人士望裔也幼慧十歲能詩出語驚其父老嘉慶間鄉舉歷官博望永年知縣精於治獄凡其所至囹圄如洗永年民愛其政爲歌謠記事徧相

傳頌累擢知永平府進大名兵備道大名處畿南凡大工役玉璫籌備具有條理以是受

宣宗知升長蘆鹽運使甫至除陋規十二萬裁濫支十萬有奇諸商鼓舞相慶課稅驟起長蘆鹽院吏倚居上官署不受鈐束猶沿例索商人金玉璫知之立呼吏進予之杖聞者悚息旋引疾歸囊橐蕭然餽贐悉卻不受咸豐閒加按察使銜幫辦江南軍務仍總司糧臺玉璫既聞命慷慨登舟誓以死報

國居江南十年以疾卒於官

采訪事實

劉同縷字清溪石城人拔貢生官江南知縣有良吏才咸豐元年補上元三年粵賊薄江甯總督陸建瀛自九江敗歸倉卒無備城中洶懼同縷急購米十餘萬斛以

瞻軍食出獄中盜某等賜之食且諭曰汝固無所得生者今賊且至能爲我督健兒戰有功貸汝死不幸戰死死於王事不猶勝死於法乎皆曰願效死同纓破械出之募壯勇五百人令督以禦賊二月九日地道發崩城丈許賊涌入同纓率五百人突鬪橫截其尾賊進退無所斬殺殆盡城復完是夜過半大霧四塞賊復緣梯上城守兵潰同纓猶率眾巷戰五百人者死傷略盡勢不支同纓馳入署朝服坐堂皇書於紙曰示來賊毋害我百姓遂趨龍王廟潭中死事

聞贈道銜廕一子江甯府建專祠

忠義錄 顧壽
棋孟晉齋集

江西通志卷一百六十九

江西通志卷一百七十

方術

漢

嚴豐字孟侯豫章人王莽時官郡主簿莽既篡位太守河東賈萌與安成侯張普約舉兵師興之日有蜂叢集萌車豐曉占候以爲不祥萌進兵不聽會張普負約無

援遂戰死

謝承後漢書謹案太平御覽九百五十引謝承書不及張普負約事

唐檀字子產豫章南昌人少遊太學習京氏易顏氏春秋尤好災異星占後還鄉里教授常百餘人元初七年郡界有芝草生太守劉祗欲上言之以問檀檀對曰方今外戚蒙盛陽道微弱斯豈嘉瑞乎祗乃止永甯元年南昌有婦人生四子祗復問檀變異之應檀以爲京師

當有兵氣其禍發於蕭牆至延光四年中黃門孫程揚
兵殿省誅皇后兄車騎將軍閭顯等立濟陽王爲天子
果如所占永建五年舉孝廉除郎中是時白虹貫日檀
因上便宜三事陳其咎徵書奏棄官去著書二十八篇
名爲唐子卒於家

後漢書

唐

胡超僧洪州人聖歷中出家學道隱白鶴山微有法術
自云數百歲則天使合長生藥所費巨萬三年乃成自
進藥於三陽宮則天服之以爲神妙望與彭祖同壽改
元久視放超還山賞賜甚厚服藥之後三年則天崩

朝野

僉載

崔季真洪州人家於郡西善鼓琴工繪事大歷中一夜

大雪見有老人避雪門下者神骨非常延入具麥麪以進老人曰麥稟四時之氣穀之善者沃以豉汁則彌佳又具松花酒以進老人曰花澀無味乃探懷中藥投之酒味頓美隨遺藥數丸圖一幅而去後季真出示茅山李合光合光曰此葛洪季子也季真好養生之術以故有仙緣云

安志

朱邯豫章人精於周易得京管之遺法建中初遊楚賣卜青山人董元範母患奇病至夜卽發邯爲筮之得解之上六曰君今日具衫服於道側伺有執弓挾矢而過者君向求之時邑人李楚賓喜獵其時果至元範邀之至家設酒饌留宿是夜月明如晝楚賓出戶徘徊見一大鳥飛集舍上引喙啄屋卽聞堂內叫痛苦聲楚賓

引弓射之兩發皆中其鳥飛去痛聲亦止明日與元範
四索於敗屋中得確捏古趾兩箭著其上皆有血光取
焚之母患遂平

太平廣記

趙山人洪州人崔丞相左遷在洪州時州帥曹王將辟
爲副時德宗在興元曹王有功且親奏無不允山人旣
言事多中崔問之曰地主奏某爲副使且得過否對曰
不過崔曰以時以事必合得過也山人曰卻得一刺史
不久敕到更遠於此崔不信更問對曰必定耳州名某
亦知之不可先言且曰今月某日敕到必先弔而後賀
崔心瞿久之蓋言某日卽崔之忌日也謂山人曰言中
奉百千不中輕撻五下可乎山人笑曰不合得員外百
千只合得員外起一間竹屋又問之曰我有宰相分無

曰有崔曰遠近曰只隔一兩政官不至三年矣及某日
私忌洪州諸僚悉之江亭慰崔取皆北望信至西時見
一人從北岸袒而招舟急使人問之乃曰州之腳力將
及岸問曰有何除授崔員外奏副使過否曰不過卻得
虔州刺史敕牒在此諸公驚笑果先弔而後賀焉明日
說於曹王子鑑百千不受崔爲起竹屋一間欣然徙居
之又謂崔曰到虔州後須經大段驚懼卽必得入京也
旣而崔舅源休與朱泚爲宰相崔復聞堂帖追入甚憂
惕時故人竇參作相拜兵部郎中俄遷給事中平章事

南昌
縣志

李生中和末以明經應舉如長安途中遇一道士同行
言意相得因言黃白術道士曰點化神仙小術也但世

人多貪將以濟其侈故仙道祕之吾觀子性靜寡慾似可教者今以方授子可以濟乏絕而已如遂能不仕亦當不匱衣食得祿則弗復爲如爲之則貪仙道所不許也因手疏方授之別書藥草數種李每遇乏絕依方爲之無不成者及爲南昌令復爲之絕不成矣從子智修爲沙門李以數丸與之智修後遊鍾陵止賣藥家燒銀得二十兩以易衣時劉仁規爲刺史方好其事爲人所告幸而得免

續搜神記

司馬頭陀名曦唐時人習堪輿家言厯覽洪都諸山鈴地一百七十餘處訖今猶驗一日至奉新參百丈曰近於湖南得一山乃一千五百善知識所居百丈曰老僧可住否曰不可和尚骨相彼骨山也時華林覺爲首座

詢之不許見典座靈佑曰此爲山主人也後往往山連
帥李景讓率眾建梵宇請於朝賜號同慶寺天下禪學
輻輳竟如其言

安志

夏主信新吳浮雲宮道士能運掌心雷治石精至今
口石尙存祈晴禱雨輒應

安志

厲歸真唐末道士遊洪都信果觀見三官殿內功德塑
像是元宗時夾紵制作甚妙多被雀鴿糞穢其上歸真
遂於殿壁畫一鵲筆跡奇絕自是雀鴿無復棲止尤能
畫折竹野鵲後傳歸真於羅浮山上昇

玉堂閑話

豫章術者不知其姓名嘗望牛斗間有王氣因游錢唐
以相法隱臨安市上陰求其人臨安縣錄事鍾起有子
數人與錢鏐飲博起嘗禁諸子諸子多竊從之游起與

術者善乃私謂起曰占君縣有貴人求之市中不可得
視君之相貴矣然不足當之起乃爲置酒悉召縣中賢
豪爲會陰令術者徧視之皆不足當一日術者過起家
鏐適在外來見起反走術者望見之大驚曰此真貴人
也起笑曰此吾旁舍錢生耳術者召鏐至熟視之顧起
曰君之貴因此人也乃慰鏐曰子骨相非常願自愛因
與起訣曰吾求其人者非有所欲也直欲質吾術耳明
日去

五代史 謹案豫章術者
舊志列五代今改附唐末

宋

王仔昔洪州人始學儒自言遇許遜得大洞隱書豁落
七元之法出遊嵩山能道人未來事政和中召見賜號
沖隱處士帝以旱禱雨每遣小黃門持紙求仔昔畫日

又至忽篆符其上仍細書焚符湯沃而洗之黃門懼不
肯受強之乃持去帝蓋默祝爲宮妃療赤目者用其說
一沃立愈進封通妙先生居上清寶籙宮獻議九鼎神
器不可藏於外乃於禁中建圓象微調閣以貯之仔昔
倨傲又少戇帝嘗待以客禮故其遇巨閹殆若童奴及
林靈素有寵忌之陷以事囚之東太一宮旋坐言語不
遜下獄死仔昔之得罪宦者馮浩力最多未死時書示
其徒曰上蔡遇冤人其後浩南竄至上蔡被誅宋史
僧巨然鍾陵人工畫山水知名於時每下筆峯嶺崖竇
之外下至林麓猶作卵石松柏疏筠蔓草之類相與映
發幽谿細路屈曲縈帶竹籬茅舍斷橋危棧景趣畢備

宣和
畫譜

楊補之字無咎南昌人自號逃禪老人又號清癯長者
水墨人物學李伯時梅竹松石水仙清淡閒野爲世六
絕高宗朝屢徵不起從子季衡畫墨梅甚得家法又能
作水墨翎毛補之甥湯正仲字叔雅晚居黃巖自號閒
庵善畫宗補之而能別出新意同邑劉夢良善寫墨梅

安志

李頗

一作坡

南昌人善畫竹氣韻飄舉落筆有生意顧所

傳於世者不多也

安志

鐸長老俗姓辛南昌人精形家術嘗爲南昌劉長老相
地葬其夫婦觀者殊易之久之劉族繁昌又爲豐城李
姓卜兆初啟土鐸辭去且戒曰返寺鳴鐘始可窆棺行
未至偶他寺鳴鐘遂窆棺鐸震死於途李族自後始大

明初南昌劉子南新建趙子方豐城何野雲亦其亞也

安志

元

傅椿年字莊叟進賢人能驅雷盪妖至元丙子以安集

功授奉新尉不起

安志

明

徐復高奉新縣崇元觀道士通法術永樂十五年省城

旱復高登臺指麾雷鳴電掣大雨傾盆魚蝦盈街章江

水淺三尺

安志

張榮字宗禮新建人少業儒多病因精於醫療人有奇效未嘗責報遇貧困輒施金遺粟賴以活者甚眾甯獻王賢之舉爲良醫年七十三卒胡頤庵爲之銘子升繼

其職行誼尤著官教授孫元椿進士任知府元龍亦舉

於鄉

林志

楊節譽進賢人受學於傅椿年天順中召至京師試以
法能指揮風雨宮殿妖氣遂以蕩滅授帶俸錦衣衛指
揮使不受後不知所在相傳謂之楊法師

安志

沈應善字嘉言梁休文後裔其六世祖仕豫章因家焉
事親至孝親歿廬墓三年閭里稱之屢試不售一夕夢
神人示曰上帝命汝活千萬人甯可守一編以自負乎
既寤遂決志學醫遇蜀之韓隱庵師事焉初授素問內
經諸書研究不輟徐進以導引之學及祕藏諸方三年
韓別去曰九九之際遲我於峩峩之麓自是名益振凡
士大夫無不與之游投以劑罔弗驗者歲竊則捐貲貲

藥以濟人之求靡有倦色居旁構一舍曰來安堂諸藥
餌飲食無不具備羈旅貧苦者聞聲腐集年八十一忽
語家人曰韓先生招以緘我將逝矣尋沐浴而卒著素
問箋釋二卷醫貫集補二卷子長庚以經業補弟子員
能世其學

安志改正

謝志舊案沈應善前志誤編入唐今謹案沈應善王謨十代文獻略亦不

能定爲何時人謝志以爲明人者蓋據其書有醫

貫集補之作醫貫爲趙獻可著實明隆慶間人也

姜展進賢人以醫久寓高安頗有儒行萬厯戊子己丑
閒連荒所在病疫屢施藥濟困所活良多貧者尤德之

安志

謹案姜展舊志

載瑞州今改歸南昌

國朝

王太國字邑郊南昌人屢舉不第患痰疾遇異人授以
素問內經及祕藏諸方遂精醫學切中肯綮同里杜氏

子年幼久患瘰癧大國投以二丸卽日平復南昌司理胡慎三左足患癰直穿腳底醫數易而癰日甚大國去敷藥止服湯劑不一月而愈巡撫蔡士英監臨鄉闈背疽大作大國爲調理速愈而不作楚同時有何述樵者精於痘科人以二仙稱之

安志

喻昌字嘉言新建人自幼讀書多詭異之迹中崇禎庚午副榜尋詔徵力辭不就披髮爲僧復蓄髮遊三吳僑居常熟以醫名於世治療多奇中著醫門法律尙論篇寓意草年八十預知時至論坐而化昌無後其甥負遺骸歸過左蠡舟遭風浪首尾盡毀折獨骸龕一棺無恙屹然湖中後寄於靖安蕭寺有盜其旁銅環者立中顛斃今遺骸尙不壞郡人募立祠祀之布政使李蘭有題

辭謝

朱容重字子莊南昌人明奉國中尉能詩工書法閒畫蘭竹小景四方之士遊豫章者以不得子莊筆墨爲憾所居蓼洲造請無虛日卒年七十九著有初吟草徐世

溥爲序

白志

八大山人名耆初爲高僧往來南昌常持八大人圓覺經遂自號曰八大有仙才隱於書畫題跋多奇慧不甚可解畫之最佳者松蓮石三種書法能懸腕作米家小楷行書得董華亭意世皆以爲狂及逢知己十日五日盡其能絕無狂態

龍科寶記

涂居仁南昌人生而穎慧通音律善鼓琴康熙中薦於朝授工部主事擢刑部郎中秩滿遷福建興化知府居

仁力辭遂留直

內廷分輯律呂諸書食正三品俸

縣志

閔應銓字六長南昌人自號湖上散人工詩善書嘗題

詩金山寺

聖祖南巡邀

宸鑒時廣甯卽廷極侍側識其名未幾廷極撫江西下車首致

延訪一時碑版文字多出其手士林重之

府志

李仍字漢孫南昌人幼孤好學能詩工畫法宋元人能

自出新意有潔癖終身不娶母死遂茹齋自呼曰繡佛

人與同邑彭廷謨歙人吳雯炯友善年五十三卒

府志

涂岫字平山南昌人工繪事畫人物神采刻露生氣拂
拂出紙上閒爲設色花卉渲染穠麗同時蔡秉質工畫

鵝臨江黎坤工山水嘗與閔應銓彭廷謨李仍輩往來
東湖廷謨擅場題詠時有涂菊蔡鵝閔蟹彭詩之稱會
中又有按察司經歷某逸其名畫桃獨絕人呼千葉桃

經歷

府志

胡郁卿有道術新建人歲早取大鼃數十各綴鐵牌書
符篆置樹陰詰旦遣人分投深潭內薄暮雲騰雨澍稼
乃大熟或以爲觸龍法也

府志

朱純嘏字玉堂新建人幼習舉子業後通醫術治痘疹
尤得秘傳康熙間大吏薦之授太醫院御醫

府志以南昌府

宋

無名相士精風鑑筠州太守聞之爲徧召賓僚試其術
時曹利用爲巡檢同王務本在座相者言利用後當極

貴坐客皆笑復問務本何時登第曰須巡檢入兩府時

耳客皆曰烏有是後利用以使契丹有功爲閤門使十

年閒列位樞府而務本適登第後爲海州推官

府志

彭攀龍字淵材新昌人工於樂律獻樂書於朝爲協律

郎飭粥不給乃歸

安志

鄒王臣字元佐涉獵書傳精通五行以人之年月時日

推其壽夭禍福貴賤貧富萬不差一自言凡看命須隨

所見卽談無不奇中若稍涉思慮則相去遂遠矣著有

洪範福極彝倫奧旨五卷貴命四十九格行於世

安志

方子明道人也寓高安聖壽寺蘇子由贈以詩有水永

成銀利十倍丹砂爲金世無對之句

樂城集

陳善字德成新昌人以策授承信郎厯臨安幕監岳州

軍改江西憲幕得父建龍虎山之術鞭霆致雨每歲旱
賴其祈禱號月湖先生

安志

元

周德清高安人工樂府精通音律著中原音韻虞伯生
序之

安志

潘濤上高人累世以業醫顯名至濤益著著醫學繩墨
一書其目有十一切脈二問證三斷病四辨逆順五明
標本六立治七審輕重八處方九用藥十調理行於世

安志

曾義山一名法興上高人善占術青田劉基丞高安法
興過之語曰相公聰明絕世而器宏遠當爲一代偉人
吾書盡以相贈基借觀乾象諸書法興以原本畀之曰

吾不欲留此以爲家禍也後明太祖嘗問基知所授受
乃令有司爲法興營居室表其墳墓

安志

明

劉侃字豫甫上高人元季瑞州路學正與高安丞劉基
奉新胡泰爲友精於易卜世亂棄官家居懸棹爲識號
銀河棹與人言吉凶無不立驗凡上高業陰陽術者悉
祖之洪武初以薦舉復任本學訓導著有銀河棹外編

上高縣志

鄧詳甫高安隱士也嘗遇異人授象緯韜鈴之祕避世
不仕劉基來丞高安詳甫見而奇之基與遊盡得其蘊

論者比之圯上老人

安志

李綱善地理爲世宗營壽陵特授欽天監博士

新昌縣志

胡任高安人醫術最精利濟甚廣著有醫方諸集

安志

國朝

朱九錫高安人與同邑胡文瑜並能以符籙治病總漕

林起龍試其術異之薦入藩邸禮幣遣歸

縣志

鄧筠山高安人叔象先真元觀道士贛人某病於觀不能起筠山來省其叔善視之某病愈授以形家術能視地於五尺以下辨其質色

縣志

劉定侯以字行新昌人太學生幼習醫能揣脈預決人生死不少失富家子病延定侯往治時病者之婦固無恙也定侯告富人若子無害若子婦不久病作當死富人未之信越三日子婦果暴卒

縣志

朱彬字大雅高安人性孝友少工舉業累試不得志讀

靈素書喟然曰此亦濟世事也遂攻醫宗法仲景兼及河閒東垣叔和海藏景岳嘉言諸家治療多奇中卒年

八十二

縣志

邢增捷新昌人習醫治病有奇效嘗輯所治療爲醫案心法兼善導引術

縣志以瑞州府

南唐

州

何溥字會通袁州宜春人天資穎異習形家言元宗聞其賢累詔起之擢國子祭酒保大中鄒廷翊相皇陵於牛頭山溥言不利極表諫諍忤旨謫休甯令溥至邑卽改縣基吳王墓後倚松蘿山前名真武下壇形未幾卜地縣東南隅居焉舍前削石按太極八卦諸圖茂林修竹時時披襟嘯傲其閒後主時復徵不起隱芙蓉山削

髮爲頭陀雖假迹禪門絕不譚釋語每誦道德經必歎
曰真聖人也孔子豈欺我哉由是專修長生煉化之術
所著論氣正訣一卷傳世

十國春秋

明

伍子英萬載人幼習儒後精於醫就診者應手而瘳時
稱其有起死回生之術同縣張錦亦精醫遇異人授祕
方治患蠱者立驗

府志以袁州府

宋

鄒公新淦人甯宗時有雷擊物爲產婦所觸不能上升
時鄒故爲巫忽有神請曰爲誦解穢呪千徧當有以報
鄒誦訖神授鞭印各一曰祈晴順印祈雨倒印用鞭畫
空雨止畫處神忽不見雷升天矣鄒平生喜食鴨嘗過

其女留殺鴨爲黍時曬麥於庭天有雨勢女欲收而後
饌曰雨當無損於麥須臾大雨鄒望空四向而晝獨庭
無雨由是遠近人招之所禱如法用印無不立應年九
十餘卒鞭印亦亡鄉人祀之玉笥山承天宮前廟中號
曰鄒公

異聞錄

元

李天和新淦人少倜儻任俠精於絲桐子嵩壽善繼其
緒天厯二年天和命嵩壽奉書吳澄論三操五絃之離
合其於琴蓋卓業也

吳草廬集
以上臨江府

唐

劉守真善調風角揚州刺史楊行密遣將周本圖吉州
與刺史彭玕戰於象牙潭玕敗走立寨新淦楓岡聞守

真名召至軍中每逆戰守真以術厭之敵不能破一夕

劉死環戰不利棄寨去

江南野史

宋

彭仲元安福人得星禽之術善占候風雲太平興國初郡守王延範署爲防城溫仲舒向敏中倅廬陵仲元言其當大貴不數年二人果登輔相大中祥符中詔入署北御園指揮使言事頗奇中

安志

劉元賓連舉於鄉任潭州司李通陰陽醫藥術數真宗試之驗賜名通真子所著有集正歷橫天卦圖神巧萬金方注解叔和脈訣傷寒論洞天鍼灸經

安福縣志

達僧姓劉氏居安福下邳水南院善地理著有撼龍經

天元一炁諸書

吉安府志

劉德昇遇異人授大衍數能於掌中知未來事王瀘溪

嘗贈以文

安福縣志

劉惠卿以善醫名楊誠齋贈之詩有活卻千人藥一囊

陰功吹作滿城香之句

安志

元

王東野永新人精方脈嘗著本草經當時知名任太醫院御醫虞文靖揭文安程雪樓劉申齋趙子昂咸與之交而尤厚趙魏公以本官致仕歸邑人曠處良傳其學

永新縣志

藍玉仲永新人精方脈預言人禍福壽夭奇中體豐龐善飯士大夫家爭與致之其起人痼瘵或以一劑或以前醫所立方增減一二或亦無所增減第稍差等分無

不立效或曰其術多得之藍元初玉仲族叔父也

志安

劉嬾窩安福人少卓犖里晏氏子病危忽一道人款門
曰與錢千貫吾當治之晏委錢恣所取道人日攜百錢
飲酒家暮醉則歸忽早作呼晏辦一犬置病子前令健
夫夾持之道人坐其後默攻之病子苦甚欲起戒夾者
堅勿動夕乃罷明日又如之病脫然矣其犬一夕垂絕
嬾窩視而歎曰術則奇矣如犬何道人喜曰仁言也復
命取一新磚置犬前如前攻之犬搖尾去磚則墳矣更
不受謝取書數卷授嬾窩去遂以醫名世

志安

潘碧山安成人善風鑑傳與礪贈以詩有直言往往驚

四座乃使世人畏其口之句

傳與礪傳

謝茂德精岐黃之術時以仙翁目之

傳與礪傳

明

彭用光廬陵人善太素脈言多奇驗所著有體仁彙編

安志

王昂廬陵人通古今諸醫書人有危疾集郡中諸醫無能療者昂投劑立應其不可者任羣醫出計施巧不活也嘗語人曰余每遇疾艱危未嘗不退而深思求爲必活之計又曰醫以輔養元氣非與疾求勝也夫與疾求勝者非味雜辛烈性極毒猛則得效不速務速效者隱禍亦深吾甯持久緩待其自復也有疾輒往視之不責其報

安志

周騎龍廬陵人成化閒以善談祿命著名豫章尤精範圍數御史趙敵按江右威望甚著及瓜代當還朝騎龍

曰不然行有西北之調敵頗疑之未幾調晉臬敵問之
騎龍曰公元數一六六四會數一七四數有從臣清要
捧天書烏臺青瑣遷藩臬之句何可逃也敵始服其術
因求範圍歌訣爲之序而梓之以廣其傳

豫章書

郭修翰永豐人父益懋爲諸生僑寓惠州興甯生修翰
讀易讀史手不釋卷母盲廢自謂採給行傭吾不如江
次翁遂窮天文七政諸書賣卜於市得錢供母星學名
一時有人問壽曰子不及糲迨五月三日其人怒反詰
之曰吾糲及金矣越明日疾作張督府岳以司馬內召
過程鄉召問之對曰猶寄長城三歲張愕然尋有麻陽
之命言王方伯當大用一歲兩遷但不得專敕王曰方
伯例必列銜中丞撫一重鎮何爲無敕果尹京兆再遷

卿陸方伯杰深信之薦於邱大參民範言其旬日必及禍邱怒欲罪之以出陸門下姑遣人守之使不得逸去至期果蓋棺貳守莫同自惜不及第恆俯首於人修翰言一歲入召再歲按察提刑若持左券然庚戌六月病羅俶問之修翰曰而命當先我死猶來問訊邪初三羅無病驟卒修翰自知死期云我六旬有六六月六日無

生理果然

廣東通志

趙銓字仲衡廬陵高唐里人精岐黃術以諸生貢於朝仕靈壽霍山兩邑夏貴溪大拜入京夜泊吳城靜中忽傳呼聲雜以絲竹金革市驛交喧月下隱隱有宣言藥王到者貴溪詢藥王何人曰姓趙已而寂然乃銓舟至貴溪索見與語大加賞異卽同入京會世廟不豫太醫

束手貴溪及大臣公卿咸舉銓入診視不終劑而聖躬
大安後解組歸惟著書修真而已有乞醫者卽赴之不
責人金帛而施藥不怠又善太素脈清江蕭須山病篤
銓往適病者假寐先診其長子取酒相賀曰子脈無憂
何妨乎父壽投一劑而愈出都門時見一死者已含斂
方下棺銓下馬啟其衣衾令取沸水下刀圭灌之而甦
其神類如此銓臨終無病腹中閣閣作聲笑曰龍吟虎
嘯風雲慶會吾當赴之有頃異香滿室頂上生光彩冉
冉而上而銓坐逝矣經日如生所著有春風堂集石亭

醫案岐黃奧旨諸家醫斷太素脈訣

廬陵縣志

陳宗文泰和人幼遇異人授以醫術凡診人脈或無病
而言死或易簣而言生或在童時而言終身貴賤壽夭

無不奇中嗜酒豪邁視利如土苴

安志

蕭公伯泰和人善畫照其染色處可占人榮枯不但肖之而已時有畫師寓邑之普覺寺公伯慕其名往事之盡得其法一日汲水故遲至師責之公伯曰適見二鬼鬪因忘歸遂以水畫地作狀師大驚服遂有名

安志

郭詡號青狂泰和人善雜畫信手作人物輒有奇趣而詩尤過之其姪巖學之益精妙並入圖繪寶鑑

安志

國朝

甯榜高字君起蓮花廳人精律歷之學作提規渾儀圖

推驗皆中

廳志

王灝字上一蓮花廳人少穎異嘗圖周天躔舍於牀頭久視有得坐冷露中指點星象如披甘石圖經康熙中

考授天文生

府志

郭鳳藻廬陵人七世以醫名雍正六年郡城疫鳳藻謂是廬市輳集人畜駢閼溝渠惡氣所蒸染受者稟氣不齊不可偏治乃運精思合藥徧施之活人無算鳳藻左手患風痺數年能自運氣治之卒無恙子隆遇世其業

府志以
上吉安府

宋

徐熙字淡山金谿人善寫淡墨山水受知徽宗欲授以官熙對曰臣願爲布衣人也上卽賜名布衣高士

縣志

陳撫臨川人周益公必大贈以正易心法易索兩書謂心法出麻衣道者傳自希夷先生可以求天理易索太和張汝明所作可以知人事撫得之遂以精易卜名

府志

陳自明字良甫臨川人精於醫以李師聖郭稽中所著
產論室慶諸集綱領漫而無統節目略而未備醫者不
能深求徧覽乃採摭諸家附以家傳驗方編輯成書凡
八門數十餘體總二百六十餘論論後列方是爲大全
良方金壇王肯堂爲證治準繩女科一部全用之安志
元

普稱撫州僧也至元閒人初唐一行禪師作星厯書十
有三家誓曰國興則見未興則隱後青城山僧號枯木
傳此書於史彌遠家至普稱又得其傳其後四明慧月
號琴堂者挾斯文至大都明南昌僧號普庵復獲此書
於天界寺授括蒼季宗舒遂揚其波至今稱琴堂五星

云星學大成

明

曾易明金谿人景泰中遇異僧授以堪輿家術爲人卜地衰旺興廢輒先定其年月日時皆奇中臨川饒氏館易明於家者三年事之特謹然終不敢以地請最後易明乃指示曰某可墳某可宅卒賴其力或以富貴傲卽有重賄輒拂衣去不娶妻無子漸能辟穀不知所終安志李興生樂安人患風痺欲飲食則仆臥於地始能下咽欲言則畫地作字始達其意頗能詩董侍御未第時獻詩曰清時早展爲霖手莫遣蒼生望八荒後董欲養於官辭以母老爲作傳比之支離子興之流安志謹案詩舊志列之方技未明其旨

張神峯臨川人精星學以五行祿命諸書沿習訛舛著

關謬一書海內星平皆宗之

安志

國朝

熊暉字曦南宜黃人父岐梧工畫人物暉少有神悟乃變家法爲山水入都客莊親王邸得縱觀古人名本所詣愈超嘗爲鳳岡春曉圖觀者至坐臥其閒不能去

縣志

以上撫州府

元

危亦林字達齋南豐人世業醫高祖雲仙嘗游東京遇仙人董奉二十五世孫授以秘要祖碧崖又師周伯熙亦林幼嗜學好博覽官本州醫學教授嘗集其高祖以下所爲醫方著書二十卷

縣志

謹案

亦林著世醫得效方采入四庫書子部因

據縣志事實補傳

明

危斗南佚其名南豐人少遊吳越訪道凡象緯輿圖輅
略奇遁獨獲秘授蕭然委里同里閑者輕之獨劉冠寰
一見執弟子禮斗南精於太乙自斷沒期不爽又嘗言
明祚止於甲申南豐禍於乙酉至期斗南已先二年卒

縣志

國朝

李如璋字子乎南豐人幼通敏五官並用尤精九章數
學順治壬辰度田令下疆域新定田賦紛錯民緣爲姦
邑中集工算者數十人月餘不能理如璋年十五哂其
煩苦掣珠盤左右撥無遺銖黍數日畢事江右勾稽金
穀皆出其手無有差忒今以爲便謁選得嘉定江灣司

巡檢以不肯俯仰上官投劾歸

懷葛堂集
以上建昌府

宋

鄭同字亦虛玉山人以行義見推於鄉尤精書法舉八
行科不果上米元章與同帖云晝寢夢龍蛇繞榻及覺
乃小兒披來翰也其稱之如此

安志

俞直玉山人通素問玉冊之書內外常變之辨至河洛
易象太元之數三統九經五行納音之旨無不求其義
而爲說秦檜爲相欲館置直謝不肯就紹興辛巳金人
犯淮用事者遣使問以兵退之期言皆切中

玉山
縣志

葉子仁上饒人推算筮占往往如破的歲乙酉真德秀
方在班子仁以書勸補外甚力未幾果去國子仁每推
論五行輒以善道勉人如孝弟忠信清心寡欲等語未

嘗不懇切言之真贈以絕句云易象推占妙入神勸人
忠孝更諄諄只今誰似君平術惟有南陽賣卜人

信乘續詩

元

方壺子姓方氏名無隅龍虎山人學仙於金蓬頭結社
於張孟循盧伯良其畫冠絕一時尤精於竹張宇初稱
爲壺仙嘗於高石徐氏畫青山白雲圖學士虞集題句

畫史
會要

張與材字甲梁號微山別號廣微子善畫竹與龍張嗣
成號太元能畫龍亦畫有廬山圖張嗣德號太乙善寫
墨竹禽鳥吳霞居龍虎山善畫龍

畫史
會要

明

林森上饒人家世業醫資性靈朗博究羣書郡舉任醫

江西北路志卷三十二
學正科活人之功不可勝紀

安志

洪濤弋陽人少業儒後專醫每施藥濟人如神授太醫院副從征交趾軍中大疫濤煮蒼朮黃柏百錢徧飲皆愈改榮藩良醫正王缺濤擣藥補之愈賜建國醫坊號爲補辱先生年九十致仕

安志

周詔字天章上饒人爲人俊雅出塵輕財好義嘗於江湖中遇異人授以地理指掌圖盡得山川源委脈絡之詳以是邃於地理蔡虛齋稱其談論符經義脫世味有近道之資欲論薦之未果因爲序以見意

安志

張祉字天與鉛山人幼習舉子業因繼母疾不愈遂棄所業徧訪名醫傳鍼灸之法爲人尙義人病多賴以生更不責報善書能詩所著有筠石集

府志

程福生字梅巖玉山人精書法有燕京承天門關王廟

碑諸迹尤工八分書善畫梅嘗輯金石遺文數卷

安志

王適字太古玉山人初充府掾棄去究詩書尤工畫聲

名藉藉人以畫強索不肯褻應遇知己酒酣興到下筆

淋漓殊足珍玩著太古集二卷

安志

邱可封字汝禮貴溪人由歲貢歷官國子典簿博覽羣

書通天文尤精素問與人切太素脈談休咎終身不爽

著有醫書及經驗奇方多自出新意

府志

國朝

潘奭字奭之上饒人工畫得意處似雲林石田非其人

不輕作又善詩歌長汀黎愧曾好之爲文序其集

府志

林世珍字尼望上饒人弱冠失怙撫諸弟有恩工醫有

盛名周某者患喉癰將危星夜相迎適世珍自病辭不能往迎者固求世珍謂諸子曰余病未及死猶得活人豈非仁術力疾往視不數日愈世珍病益篤竟卒

府志

傅源溶字鶴年廣豐人諸生善相地嘗移廣豐學宮功

既成人文蔚起

府志

俞鑑字琢荆廣豐人諸生以畫名族子某五日求畫鍾馗強之始應畫成族子去鑑私告人某得此畫竊慮非福已而果然人間故曰是固不能敬事神明者我畫時如有神在前已盡得其靈氣得之而藝不獲譴責乎

府志

毛有華字旭儀弋陽人以親老家貧棄儒習醫善治篤

疾活人無數

府志

汪資孫弋陽人居鄉曲潛心醫學活人無算喜施貧乏

雖復桂重值無少吝會城中疫起親戚延賚孫治皆愈
夜夢神人讓之曰若等死皆厄數子何爲治之不卽歸
當疫爾鄉族賚孫不得已歸後城中疫亡甚眾

縣志

汪楚真弋陽人精青烏術與樂平華堯賓齊名嘗爲樂
平朱氏卜葬云是地當起科名惜脈氣降自奎婁福恐
不全後子孫成進士皆補官遽卒又嘗偶憩汪姓見其
家窶甚指一窪地爲葬約三年後酬金三百聞者咸笑

其誕年餘汪三獲藏窖成巨富

縣志

董友愈字南仲弋陽人諸生工相地最有名譽嘗曰吾
不恃其所知以貪天工亦不自欺其所不知以速人禍
早喪偶鰥居四十年勤於所學蕭然無俗累

府志

葛天申字仁山貴溪人由進士官原武知縣生平嗜形

家書客吳越閒最久座主山陽汪廷珍歿天申走千里
往弔且爲擇吉壤眾非之天申預言土中靈異以爲驗
眾謗益甚寔日發土按之皆驗眾愧服而去

府志

周明五字惇庸貴溪人究心形家言凡景純葬經楊曾
廖賴諸書無不博覽挾其術遊覽名山大川爲人營葬
卜宅決休咎多驗著有增補理氣圖說四卷

縣志以上廣信府

唐

柳翁天祐中人常乘小舟釣鄱陽江中凡水族之類與
山川深遠者無不周知鄱陽漁者咸咨訪而行呂師造
爲刺史修城掘濠至城北則雨止役則晴或問柳翁翁
曰此下龍穴也震動其上則龍不安而出穴龍出則雨
掘之不已則霖雨方將爲患旣深數丈果得方木長數

尺交構疊之累積數十重其下霧氣衝人不可入而止
木皆腥涎縈之刻削平正非人力所爲自是果霖雨爲
患呂氏諸子將網魚鄱江召問翁翁曰南岸一處今日
有魚然有一小龍在焉諸子不信網之果大獲舟中以
巨盆貯之有一鯉長一二尺雙目精明有二長鬚繞盆
行羣魚皆從將之北岸遂失所在柳竟不知所終稽神錄
郭常饒州人業醫饒江其南導自閩頗通商海外波斯
安息之貨國人有轉估於饒者會一估客至病亟他醫
莫能治請常爲診曰誠能生我當酬錢五十萬常因舍
之先以鍼火雜治導其血關然後輔以奇藥月餘而愈
欲歸常所許財不受估曰先生以爲寡歟常曰吾計藥
之值不能損千文而所受非任反禍耳人以常爲詐而

責常常曰夫販賣之人計量於毫銖之間今奪其五十萬則必追悵鬱惋其人病新去六腑方憊復有悵然之氣自內而伐卽不可救彼方有疾知我能治而告我我幸免之因利其財而又使其死是爲不仁矣吾何敢

之集

宋

吳景鸞字仲翔德興人漢長沙王芮裔孫祖法旺喜天文地理之學聞華山陳搏洞徹祕奧遣子克誠師之得其肯綮一日搏命之歸曰汝子仙才能紹業盡以青囊書授克誠誠子卽景鸞也聰慧過人得其書精究有驗慶厯辛巳詔選精陰陽者郡縣舉景鸞至京入對稱旨授司天監正未幾因論牛頭山山陵章奏過直上不悅

下獄尋以帝晏駕遇赦又進中餘圖不報知時不可遂
佯狂髡髮修真於天門西岸白雲山洞往來饒信二州
數處同日皆有景鸞迹治平初一日忽以遺書付其女
沐浴更衣端坐而逝所著有理氣心印吳公解義

安志

傅伯通德興人與鄒仲容同師廖金精金精得之吳景
鸞宋南遷伯通拜詔往相臨安表略曰顧此三吳之會
實爲百粵之衝錢氏以之開數世之基郭璞占之有興
王之運天目雙峯屹立乎斗牛之上海門一點橫當乎
翼軫之間雖云自昔稱雄實乃形局兩弱只宜爲一方
之巨鎮不可作百禩之京畿駐蹕僅足偏安建都難奄
九有表上竟升杭州爲臨安府而稱行在

安志

鄒寬字仲容師廖金精得其術爲汪伯彥卜地葬親乃

借堪輿家論貽書以動之末云方今幽燕未歸版籍朝廷有意恢復倘值此時揚師整旅當勿計名位高卑昌言於朝奮力請進必立希世功名若參之他意微有更改妄觸一機百關俱廢汪是其言而不能用于未拜相鄒術果奇而書中之議竟托空言

安志

王克明字彥昭饒州樂平人徙烏程初生時母乏乳餌以粥遂得脾胃疾長益甚醫以爲不可治克明自讀難經素問以求其法乃愈始以術行江淮入蘇湖鍼灸尤精診脈有難療者必沈思得其要然後與之藥病雖數證或用一藥以除其本本除而餘病自去亦有不予藥期以某日自安有以爲非藥之過過在某事當隨其事治之言無不驗魏安行妻風痿十年不起克明施鍼而

步履如初胡秉彝妻病氣祕腹脹呼號踰旬克明以半
疏丸碾生薑調乳香下之俄起對食如常廬州守王安
道風噤不語旬日克明令熾炭燒地灑藥置安道於上
須臾而蘇金使黑鹿谷過姑蘇病傷寒垂死克明治之
明日愈及從徐度聘金谷適爲先排使待克明厚甚訝
之谷乃道其故後再從呂正己使金金接伴使忽被危
疾克明竝起之卻其謝張子蓋救海州戰士大疫克明
在軍中全活者幾萬人張欲上其功力辭之克明頗知
書好俠尙義嘗數千里赴人之急初試禮部中選累任
醫官王炎宣撫四川辟克明不就炎怒劾克明避事坐
貶後遷至內翰林醫痊局賜金紫紹興五年卒年六十

七

宋史

江陰縣志卷之二十三
楊賁亨鄱陽人博羣書精脈理每心計造方有患飢者
諸醫以火證治賁亨久思之未得頃見堂上木橙自仆
乃爲溼氣所蒸致朽忽悟水能消物不獨屬火此溼消
爾投熱劑而愈又有顯者瘴目性躁日憂切益不瘳賁
亨給曰目可計日卽痊第懼毒發於股又日撫其股憂
之後目忽瘳而股亦無恙蓋誘其心火下降爾術遂大
名於時

白志

富春子善推占嘉熙丙申客饒語人曰此州將出宰相
然未見其人也他日自饒還池州又曰何爲宰相聲復
在此方驚咤不自決值國忌提舉段震午而下羣集報
恩寺富春子往候焉一見池州教授馬廷鸞驚曰此其
人矣後果驗

白志

元

蔡槐字月湖德興人僑居建康少讀書卓犖不羈好相
人不妄許可至元二十三年與學士傅立等偕召詔問
朕壽幾何對曰仁者壽陛下壽及八旬時春宮未建當
賜見便殿俾定儲君於諸王孫中對曰某太孫龍鳳之
姿天日之表他日必爲太平天子後七年登極卽成宗
也久之大臣有爲姦利者請問休咎槐拒不往他日見
於朝辭色甚怒槐曰相公能憂國愛民自可享期頤之
福何間爲然亦懼其譏授集賢學士辭不拜乞歸田里
從之已時相果敗元貞改元復召不赴

豫章書

梁饒德興人元季時精堪輿術一日過樂平大汾潭遇
雪時歲暮渡者李翁止宿飲至酣大呼曰世上何人能

識我今日時師後代仙李懇求吉地梁卽指示穴處屬
曰貴從武功來禍後福始應葬數年李以罪戍定遠產
黔甯王英明祖育之軍中賜國姓復賜姓沐追封三代
皆爲王

安志

操貴持字子敬浮梁人也官教授卜筮多奇中

安志

李時茂字誠仙居至道宮有閉縱陰陽之術善役使鬼
神風雪雷雨祈禱立至鄉人稱爲李神仙

府志

張愷鄱陽人良醫季民孫善療奇疾有女子呵欠兩臂
直上不能下諸藥莫治愷令其母解女子裙襦坐寢室
乃揚言醫入女忽擲手下掩體舉動遂如故又一小兒
坐高處懸跌於地瞳人倒視見房屋皆翻覆愷令有力
者將小兒顛倒數次其視卽順凡藥石難療之疾愷不

執方脈以意治之無不立愈

府志

明

楊文德樂平萬全鄉人攻醫精內經太素脈明初徵入
太醫院洪武戊寅乞歸田里上書種德二字賜之舟抵
饒城醫者劉宗玉延之文德爲講岐黃心法以太素授
之紫極宮朱道士疾文德診之不數劑而愈朱以銀飲
器謝之卻再三方受中途長嘯宗玉子烈方在旁問故
文德曰徒受其惠明年春肝木旺脾土受剋至期果死
黃復昌疾文德診之曰一劑卽瘥官貴脈旺秋當入仕
尋以當路薦授丹陽令所著有太素脈訣一卷

安志

董德彰名潛德興人事寡母至孝一日救白神龜夢示
仙書於石巖中得之遂精堪輿不計利不得葬者助之

或一葬未善復爲之遷時稱董半仙著有四神秘訣水
法等書同邑程天昭著有道法雙談撼龍疑龍二經注
解傳於世

縣志

張宗烜字明遠德興人精岐黃術著方書數千卷

縣志

高道者得長桑君禁方當明初挾技遊銀陽一日值柩
於途諮之乃孕婦喪也道者驗其遺衣血曰此猶未死
啟其棺一鍼而甦今傳其小兒方術無不驗者

安志

江濟字汝楫本姓鄭天順己卯舉雲南鄉試歷官同知

善山水

浮梁縣志

程世光鄱陽人擅小兒科憲王誕長子初出胎不知吮
乳曰難產傷氣持人蔘煎湯灌半匙卽吮又舟工生子
胞而無皮取土數升糝其體卽成肌有胎婦兒腹嘔傾

豆於地令婦低首拾之兒嘔止其醫多以意出弗拘方

書具有神效

府志

孫卓三浮梁人精岐黃之學正德閒宸濠變邑令某妻走避山中病溲閉急召卓三視曰此盛暑急走過飲水轉腴證也取豬腴鼓氣偪腹中如法治之而愈新安男子病淋久諸醫弗能治卓三藥之亦勿驗偶以罐注水悟孔竅通塞之故於腦後灸艾三壯立愈

安志

項世賢樂平人名嗣宗以字行幼警悟師事德興彭宗伯洞岐黃術遇異人授以子午八法沈疴宿疾皆應鍼而起廣信有遽除者賢鍼之而平施惠於人至老不衰

府志

蔡天奇浮梁諸生從素問本草精以深思亦不屑屑赴

人之召人有危疾問天奇天奇輒問他醫診狀載其方增減一二而奇中嘗示諸醫曰人有重病則我亦病病窮日夜之思僅可得起一人汝輩慎之

安志

吳從善郡陽人本道士善相法郡守甯某與弟貌相肖初令假衣冠坐解中試之從善揖而不拜曰此非四品骨取皆失笑見稅課呂銘曰官當至二千石後果擢刑部郎出知西安府見都主簿孫誕曰公本鸞鳳豈終枳棘之棲後官遷至山西按察僉事言無不驗人呼爲雙

道士

府志

西渚子鄱陽人或謂其本孝廉以卜隱遇物起數甚驗有某儀賓持象牙笏問之曰簪笏之貴卻緣骨月後優人亦以簪笏往曰雖近簪笏奈體輕微居鄱久著名尋

遊四方各變名號以顯其術

安志

洪魁八樂平人世業岐黃幼得異授精於太素脈八法神鍼邑人黎澄葉瑞當未遇時以疾延其診視輒預定其科第與厯任地方卒之時日斷休咎死生百不失一年八十餘無疾而坐化

安志

徐善繼德興人補邑庠生以親喪未厝與弟善述究心堪輿之學因得吳景鸞遺書於天門白雲洞遂深明其奧旨遷縣治易學基士大夫莫不欽其慧識所著有人子須知徐文貞階序其書

安志

國朝

吳棟字毓山浮梁人少讀書後攻岐黃術凡治病以意神明古法有奇效求治者眾多不責報粹然儒者之行

縣志

余樹芝字懷封德興人通形家言得蔣大鴻地理辨正
不傳之秘手撰羅經盡該元空八卦之義

縣志

彭選字芝峯鄱陽人工書善繪事

高宗南巡直隸總督胡莊敏扈

蹕聚畫家五十人試優劣拔十人選與馬莊敏使人繪十箴進

呈

御覽聲聞益著順天鄉試取臚錄議敘州判屢膺劇職有能聲

官至瓊州府同知

縣志

胡國棠字召樹萬年人諸生業醫精幼科望氣知病狀
製劑一投卽愈著書曰一見了然生平事母至孝外出
預訂歸期風雨不爽歸猶跽謝疏曠子劉誠能讀父書

縣志 以
上饒州府

晉

幸靈建昌人性少言與小人羣居見侵辱而無愠色邑里號之癡雖其父母兄弟亦以爲癡也嘗使守稻羣牛食之靈見而不驅待牛去乃往理其殘亂者父母見而怒之靈曰萬物生天地之閒各欲得食牛方食奈何驅之其父愈怒曰卽如汝言復用理壞者何爲靈曰此稻又欲得終性牛自犯之靈可以不收乎時樊長寶作官船於建城山令人各作箸一雙靈作而未輪或竊之而心痛靈曰得無竊我箸乎竊者不應頃愈急靈曰不情告我真死矣竊者乃出之靈飲之以水病卽愈船當下吏以二百人引一艘不能動靈請自牽之惟用百人

而船去如流龔仲孺女病積年靈以水含之而愈呂猗
母皇氏得痿痺病十餘年靈療之去皇氏數尺而坐瞑
目寂然有頃顧猗曰扶夫人起猗曰老人得病多年何
可倉卒起邪靈曰但試扶起俄又令去扶即能自行遂
愈高惺家有鬼怪言語訶叱投擲內室不見人形或器
物自行再三發火乃邀靈靈惟據軒小坐而去其夕鬼
怪即絕靈所救愈多類此然不取報謝行不騎乘長不
娶妻性至恭見人即先拜言輒自名

晉書藝
術傳

元

劉開字立之習釋老學嘗遊廬山遇異人授以太素脈
行世元帝召赴闕賜號復真先生卒葬於西古山

志安

明

鄧霆祐號元元真人釣臺鄉人同袁靈奎祕授符呪異術於李元洲凡禱雨祝晴降魔逐疫無不應也俗傳其白晝驅雷神現形拔庭西大樹植之東邊子又元孫重元世傳其術云

建昌縣志
以上南康府

唐

白岑曾遇異人傳發背方其驗十全後爲淮南小將節度高適脅取其方然不甚驗岑至九江爲虎所食驛吏於囊中乃得真本太原王昇之寫以傳布

國史補

宋

法堅廬山僧以醫名宋太祖召見賜紫方袍號廣濟大師景德二年雍王元份久被疾召赴闕至則元份已薨還山卒時沙門法蘊亦以善醫工診切每先歲時言人

生死多中賜紫方袍號廣利大師一時稱藥王藥上再

現云

安志

李仲甯九江碑工黃山谷題其居曰琢玉坊崇甯中刊
元祐黨籍姓名太守使劓之李曰小人家故貧甯因刻
蘇內翰黃學士詞翰至飽煖名爲奸人誠不忍下手守
義之曰賢哉士大夫所不及也餽以酒從其請

王氏擇錄

明

王九達字曰達德安人性疏放坐事被逮逃之吳越閒
遂家焉刻苦攻醫自悟心法治輒應手凡治病或愈或
否預言時日不爽崇禎閒典職太醫錢相國龍錫喜述
之所著有素問靈樞合類九卷又心傳九種何郎中萬
化吳尙寶爾成韓侍讀敬序

安志

宋光紳字橫秋業儒不遇先世曰杏莊者善小兒痘證遊四方遇異人授以祕書醫由是顯光紳習其書復擅長一時人延之風雨弗避未嘗計利也一日暮歸道拾遭金啟視之則某甲輸糧者晨起詣故處望其人踉蹌來告曰我拾得以俟君其人願分半爲壽光紳笑而遺

之

彭澤縣志

花自達字喬石德化文學父質字患痔手調飲食侍寢處六年卽留心於醫所著有尊經上下二傳時王九達有素問靈樞合類之編慮其割裂顛倒故題其書以尊經名論著外感內傷并分條貫知醫者好誦之富貴家召之恆不赴貧苦者則不召自往閒周以藥餌病將死家人慮附身之具未備自達曰吾姑待之越數日知略

具起索筆硯家人私計當有遺言自達伸紙疾書曰生平無所得惟此兩玉壺一朝帶不去撒手隨太虛擲筆而逝

府志

國朝

李樞字景衢瑞昌人以善弈名性至孝垂老不離父母左右大學士熊賜履巡行浙省聘樞自從樞不允強之登舟甫解纜望北號泣終不能奪江南黃立弈中稱國手聞樞名買舟至洪都與較勝負觀者如堵三戰三北愧沮而行局譜載石室祕藏

府志

譚文字在茲德化人家徒四壁淡然寡營顧酷嗜疇人言有神解嘗著數學尋源

府志

王日助字幼安瑞昌人工醫主方不專一家嘗治邑令

妻沈疴一劑而愈酬以金固辭曰子醫父母敢望報邪時里中有兄病先以弟試之假作劇態日助診之曰肺脈如湯死在旦夕矣其人匿笑及夕果死

府志

戴繩周字孚公瑞昌人工醫好施貧者嘗有一人故無恙繩周私語曰是人面馬肝色又青氣鎖口於法七日當死至期果暴卒又嘗以薑桂治鼻衄病家畏忌不敢與飲繩周強飲之藥盡血止

府志

程剛中字子潛瑞昌人善畫嘗繪廬山圖

府志以九江府上

唐

楊元亮襄州人久視中年二十餘於虔州汶山觀傭力晝夢見天尊云我堂舍破壞汝爲我修造遣汝能醫一切病寤而說之試療無不愈者贛縣里正背有腫大如

拳亮以刀割之數日平復療病日獲十千造天尊堂成

遂無效

朝野僉載

楊筠松寶州人僖宗朝掌靈臺地理事官至金紫光祿大夫黃巢破京城乃斷髮入崑崙山步龍後至虔州以地理術授曾文迪劉江東世稱救貧仙人是也卒於虔葬雩都藥口壩

府志

曾文迪雩都崇賢里人師事楊筠松凡天文讖緯黃庭內景之書靡不根究尤精地理梁貞明閒至袁州萬載愛西山之勝謂其徒曰死葬我於此卒如其言後其徒忽見於豫章歸啟其柩無有也所著有八分歌二卷

書

豫章

劉江東雩都人楊筠松在虔州江東因同曾文迪傳其

術初楊與曾竝不著文字江東稍有口訣其裔孫謙爲
宋吏部郎中知袁州事乃著囊經七篇詞旨明暢人傳
誦之

安志謹案舊志劉江東列宋代傳稱與楊筠松同時則唐末人也今改正

宋

謝昔臣虔州術士蘇軾過虔贈詩云屬國新從海外歸
君平且莫下簾帷前生恐是盧行者後學還呼韓退之
死後人傳戒定慧生時宿直斗牛箕憑君爲算行年看
便數生時到死時

東坡集

卜則魏字應天贛縣人精形家言著作甚富所傳雪心
一賦旨約而該業地理者咸宗之

安志

元

彭雷巖贛縣玉虛觀道士以祈禳方技顯於元盛時頃

刻閒能致風雨人有疾病立能愈之其魑魅爲怪者禁使絕迹解學士縉謂其得劉繼先遺術云

安志

明

蕭九賢字慕白會昌人精內外諸科洪武中充里長解實竹入都時馬后病乳癰甚危太醫罔效乃揭榜召醫九賢應召診視投劑三日而愈授太醫院吏目馳驛歸里著有外科啟鑰回生要義諸篇

會昌蕭氏族譜

邱宏道雩都人博學能文得郭璞葬經究心三十年遂精其術淺深去就皆有法與人言必以忠孝爲本

劉樵翁集

劉漳贛縣人吏滿考授樂昌高勝巡檢宣廟時以寫真得幸改鴻臚寺序班入內供奉尋升錦衣衛鎮撫副千

戶

安志

王純贛縣人工水墨畫所作人物樹石意趣天然而筆

法亦蒼古人稱爲石林畫史

安志

袁皆字仰夏雩都人秉儒明醫瀕死者輒能起之鄉人
召請卽地險僻天大寒暑應之無倦色又能呼風霆役
鬼物歲旱爲民禱雨輒應邑東五里靈泉巖古渡下有
巨潭怪物作祟歲溺者無算皆書符焚潭中旬日雷雨
晦冥山頂石隕於潭其患遂息子瀄以進士官御史

安志

國朝

曾永章興國人精堪輿術順治己亥授欽天監漏刻博

士其族人曾國瑞亦並被徵

府志

廖安民字覺生興國人諸生世傳堪輿安民尤有神解
嘗坐冤繫太守卽永清雪之方修府廨召之相度曰甚

吉然不日有遷移之事未幾以兄子巡撫江西遂調汾州又爲郎氏先世營宅兆經歷塞外至紅羅山過逆藩吳三桂祖塋極山川環抱之勝安民私語同行曰此不臣之心見矣然覬覦非分白虎銜尸十年外當覆族後如其言

府志以
上贛州府

唐

僕都監逸其名善青烏術與楊筠松俱官司天監都監因黃巢之變避地甯都縣懷德鄉以其術傳中壩廖三

傳

豫章
書

宋

廖瑀字伯玉甯都人年十五通五經人稱廖五經建炎中以茂異薦不第後精父三傳堪輿之術卜居金精山

自稱金精山人所著有懷玉經

安志謹案甯都州志瑀字伯禹

明

廖均卿瑀之裔成祖卜壽陵久不得吉壤永樂七年仁孝皇后未葬禮部尙書趙玘引均卿至昌平得縣東黃土山最吉車駕卽日臨視定議封爲天壽山命武義伯王通等董役授均卿官

安志

國朝

尹良相字玉輝石城人好讀易爲王通之學康熙初寇警保聚石筍寨爲邑犄角時賊據北郭旦夕攻擊城危累卵權縣事李德明集士民迎良相良相至請剋日衝賊營人頗疑之良相以家口質縣官期必勝先以計去賊礮繼出健丁率鄉勇攻賊敗走轉據西關廚嶺乘高

瞰城飛矢集城中良相復破之賊又薄攀桂坊南關幾陷良相屢出奇計戰無不利忽一夕卜五更城不吉乃令更析緩之轉四更天已黎明賊大驚詔畢佛援師至遂解圍去城賴以全

縣志

羅牧字飯牛甯都人工書畫得魏石牀之法而益精寓居南昌巡撫宋犖作二牧說贈之得冠石林岫齋芥茶法亦善製茶巡撫卽廷極爲詩紀其事牧亦能詩年八十餘海內爭購其筆墨真蹟或不可得

府志

管志甯字一士瑞金人諸生好學工詩兼善形家之術嘗負笈出遊徧歷吳越山水與諸名流互相贈答雍正元年應

詔入都相視吉地奏對稱

旨授戶部主事遷陝西司員外郎改禮部主客司員外郎憂歸

以勞瘁感疾卒

縣志以
上南都州

江西通志卷一百七十